



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

13. Quinisextú, seu Trull[ano].

urn:nbn:de:hbz:466:1-10467

De Concilio Quini-
sexto, seu Trul-
lano .



Nno 692. celebra-
tum est Conciliū
Quinifextum, in
quo continētur Ca-
nones Trullani . Pro qua re
sciēdum ex Tharasio disputan-
te in septima Synodo, act. 4.
Sextam Synodum, quæ sub
Agathone, & tempore Con-
stantini IV. celebrata est, nul-
los Canones edidisse: sed post
annos quinque ab ea Synodo
dissoluta, iterum cōuenisse ne-
scio quot Episcopos Gracos
auctore Iustiniano iuniore Im-
per. ac multos Canones edidit
se sub nomine VI. Synodi. Id
quod manifeste colligitur, tū
ex principio horum ipsorum
Canonum, tum ex confessione
Tha-

Anno
692.

Canones
Trullani
qua occa-
sione editi.

*Synodus
hac erratici-
ca fuit.*

Tharasilij Episcopi Constanti-
nopolitani in Octaua Syno-
do, Act. 4. quos eosdem Ca-
nones erraticam Synodum Be-
da appellat, & à Sergio Papa,
qui tunc sedebat reprobatos
fuisse scribit in lib. de sex æta-
tibus in Iustiniano iuniore.

*Synodus
hac aut nō
fuit gener.
aut non le-
gitima.*

Ex quo fit, istam falsam Sy-
nodum Sextam non fuisse Ge-
neralem, aut non fuisse legiti-
mam. Nam Generalis legiti-
ma esse non potest, vbi deest
auctoritas primæ Sedis, vt ip-
sime Græci fatentur in Sep-
tima Synodo, Act. 6. Et præ-
terea quo pacto generalis le-
gitima dici potest, ad quam
ne vnus quidem Latinorum
est vocatus? Si autem legiti-
ma non fuit; planum est, nullā
auctoritatem habere potuisse.
Si verò legitima fuit, sed par-
ticularis, non generalis, non
potuit leges ferre, nisi in ho-
mines sibi subiectos: non po-
tuit.

tuit igitur Sedem Romanam deprimere, ac priuilegijs spoliare, quod tamen fatere conata est, cum ei Sedem Constantinopolitanam, alioqui inferiorem, atque subiectam, æquare tentauit.

Hinc factum est, vt orta sit quæstio, vtrum Trullani Canones sint Canonici, & an Ecclesiasticam auctoritatem habeant? De qua quæstione Canus lib. 5. de locis, cap. vlt. in responsione ad 6. argumentum, negat, eos Canonice, & Ecclesiasticæ auctoritatis esse. Primum, quia Anastasius Apostolicæ Sedis Bibliothecarius in Proëmio ad VIII. Synodum, ad quam iussu Adriani II. missus est, testatur, eos Canones non esse in Ecclesia Romana receptos, vt habetur, cap. 2. dist. 63. Idem dicit Umbertus Syluæ candidæ Episcopus Legatus Leonis IX.

*Trullani
canones nõ
sunt ab Ec
clesia Ro
mana rece
pti, et pro
batur mul
tis.*

H in

170 DE CONCILIO

in libello contra epistolam Michaelis Patriarchæ Constantinopolitani . Idem Theophanes Græcus Historicus, Theodorus Balsamo in interpretatione eorundem Canonum, Matthæus Monachus Græcus in Historia Conciliorum, & virorum Illustrum . Item Iustinianus Imper. eo nomine II. bis Synodum Constantinopoli coëgisse legitur , prius sub Sergio Romano Pontifice, postorius sub Ioanne VII. & de priori quidem Synodo Beda de nat. rer. cap. 67. ait: Iustinianus, Romanæ Ecclesiæ Pontifice Sergio, quia erraticæ suæ Synodo, quam Constantinopoli fecerat, suadere, & subscribere noluisse, iussit Constantinopolim deportari. Qui tamē ob culpam perfidiæ, Regni gloria postea privatus, exul in Pontum secessit. Idem scribunt Paulus Diaconus,

lib.

QVINIS. SEV TRVL. 171

lib. de gestis Romanis in Iustiano, & Anastasius Bibliothecarius in vita Sergij Pontificis. Insuper Platina in vita Ioannis VII. sic scribit: Iustinianus eadem stultitia vexatus, qua fuerat, ante amissum Imperium, Sergio Pontifice, duos Metropolitanos Romam misit, qui Ioannem adhortarentur, vt habita Synodo, quæ de *Homoufio* crederent Orientales, eadem etiam Occidentales affirmarent, propositis libellis, in quibus ei subscribendum erat. Homines tamen, re infecta, ad Imperatorem Pontifex remisit.

Præterea in can. 2. suscipit, & confirmat huiusmodi Synodus octuaginta quinque Canones Apostolorum. At Sedes Apostolica non tot Canones approbat, vt auctor est Isidorus, cap. Canones, dist. 17. & Leo IX. cap. Clementis, ead. dist. & Gelasius in cap. sancta

H 2 Ro-

Romana, dist. 15. Item huiusmodi Synodus in eodem can. 2. approbat Concilium Cypriani Martyris de rebaptizandis hæreticis, quasi secundum traditam Africanis consuetudinem lex illa constituta sit. Sed Cypriani decretum ab vniuersali Ecclesia reprobatum est: Cur igitur in Trulano canone approbatur?

In can. 3. Ecclesiæ Romanæ lex de bigamis non ordinandis, tanquam summum ius, & ex rigore seuerum appellatur.

In can. 13. decernitur, vt Subdiaconi, Diaconi, Presbyteri à suis vxoribus ante sacros Ordines susceptis non separentur. Ea consuetudo Græcanica est, non Romana, aut vniuersalis Ecclesiæ.

In can. 36. statuitur, vt Constantinopolitana Sedes æqualia priuilegia cum Apostolica teneat. Aduersus hoc priuile-

le-

QVINIS. SEV TRVL. 173

legium pugnauerunt olim Ro-
mani Pontifices. Leo I. Pela-
gius I. Gregorius I. & Nico-
laus I. Et quanquam iure, &
ratione pugnauerint, conni-
uentibus tamen postea, & to-
lerantibus Romanis Pontifi-
cibus, Constantinopolitanus
Patriarcha post Romanum
Pontificem cæteris tribus Pa-
triarchis Alexandrino, Antio-
cheno, & Hierosolymitano præ-
latus est, vt patet ex cap. *Anti-
qua* de priuilegijs. Huic Con-
stantinopolitanæ tamen, &
Græcanicæ ambitioni, & vani-
tati, noluerunt sequentes Ro-
mani Pontifices diutiùs repu-
gnare.

Can. 62. præcipitur, vt in
omnibus Quadragenarij ieiu-
nij diebus per Sabbatum, &
Dominicam nonæ hostiæ non
consecrentur; sed fiat præfan-
tificatarum sacrificium, vt
apud Latinos fieri solet in die

174 DE CONCILIO

Parasceues . Hic Græcanicus est ritus, non Romanus .

Can. 65. sic habetur: Quoniam intelleximus in Romana Ciuitate in sanctis Quadragesimæ diebus, & in eius Sabbathis ieiunare ; præter Ecclesiasticam traditam consuetudinem: S. Synodo visum est, vt in Romanorum Ecclesia , si quis fuerit inuentus Sabbatho ieiunans , Clericus deponatur, Laicus segregetur . Quis Rom. Pontifex ferat hūc canonem æquo animo? Ecclesiasticam appellant cōsuetudinem, quæ apud Græcos viget , non apud Latinos, & tacitè reprobatur vsus Romanorum in Sabbatho Quadragesimæ seruantiū ieiunium : & lex Ecclesiæ Romanæ præscribitur sine vilo Pontificis consensu .

Can. 67. sic dicitur. Sacra Scriptura nobis præcipit , vt abstinemus à suffocato, &

fan-

QVINIS. SEV TRVL. 175

sanguine : meritò igitur dam-
namus eos , qui cuiuscunque
animalis sanguinem arte ali-
qua condiunt, & sic comedunt.
Audacter sanè Græci Latino-
rum consuetudinem impro-
bant, & Apostolicum præcep-
tum ad breue tempus datum ,
volunt esse perpetuum .

At dicent : Gratianus no-
mine VI. Synodi Trullanos Ca-
nones perpetuò citat, vt con-
stat ex cap. placuit, dist. 16. &
cap. Quoniam . dist. 31. cap.
Si quis, dist. 32. cap. vlt. dist.
93. cap. Iacobus . de consecr.
dist. 1. cap. dicimus, de conse-
crat. dist. 2. cap. si quis Epi-
scopus 35. quæst. 1. S. Synodus
sine dubio Ecclesiasticam au-
toritatem habet. Respondeo,
falsò Gratianum prædictos ca-
nones citare tanquam canoni-
cos , & Ecclesiasticos, & à VI.
Synodo constitutos. Potuit il-
le quidem horum canonum

*Obiectio præ
ma ex Græ
tiano.*

Resoluitur

auctoritate vri, sed non tanquam Canonica.

*Obiectio se-
cunda ex
Innocentio
III.*

*Resolui-
tur*

*Obiectio ter-
tia.*

*Resolui-
tur.*

Dicent, Innocētius tertius, in cap. à multis. de atat. & qual. dicit, In VI. Synodo esse decretum, vt si quis eorum, qui ad Clerū accedunt, nuptiali iure mulieri voluerit copulari, hoc ante Subdiaconatus ordinem faciat. Patet autem, hunc esse sextum Canonem Trullanum. Respondeo, Innocentium in hac parte, iuxta vulgi opinionem locutum fuisse: & appellauit Canones Trullanos nomine Sextę Synodi, quia sic vulgariter nominari solent.

Dicent etiam, quòd Adrianus Papa, in cap. Sextam. dist. 16. & in cap. Sextam de consecrat. dist. 3. prædictos Canones recipit, & approbat. Respondeo non Adrianum Papā, sed Tharasium Patriarcham Constantinopolitanum eos canones recipere, & approbare;

vt

QVINIS. SEV TRVLL. 177
vt constat ex Synodo VII. Act.
1. & 2. Adrianus verò Papa re-
fert verba Tharasiij, & falsus
est Gratianus, dum allegat, &
accipit ea verba tanquam A-
driani Papæ.

De Concilio Constan-
tinopolitano sub
Philippi-
co.



Anno 712. excæca-
tus quidam corpo-
ris, & mentis ocu-
lis Monothelita Mo-
nachus, qui scilicet astrono-
micis inspectionibus futura
prædicere consueuerat, veniē-
ti ad se Philippico, teste Theo-
phane, dixit: *Imperium tibi
est repositum.* Quibus cum ille
turbaretur, ait Monachus:
Si iubet Deus, tu quamobrē

Anno
712.

Monachus
Monothelē-
ta Astrono-
mus Phili-
pico prædi-
cit Impreite
et facit eū
iurare,
quod dele-
ret VI. Sy-
nodum.

H 5 cor-